

rum dicari, ac commendari, ex quo in mercatorem commo-
ndabit, qui nihil aliud (vt mercator) solet habere propositum,
care, nisi vt libros, mercesq; quam primum, & quam plurimi ven-
ditori verò dignitas acquiretur, cum eius opera amplissimo Sena-
tore probata intelligentur, nam (vt ille præclare aiebat) Principibus pla-
uisse viris non infima laus est. Libro verò ipsi auctoritas conciliabitur
ex tua dignitate, quantum enim illi maleuolorum oculis (quod vitium
latè patet, & nulli licet optimo libro parcat) potuerit esse detractum, id
omne tui nominis amplitudo, yberiori etiam mensura refarciet, & apud
bonos, studiososq; reddet. Quis enim Venetijs ignorat quæ sit tua virtus
(vt interim **CONTARENÆ** familiæ splendorem nemini non notum
præteream) quæ tua dignitas & amplitudo, & (quod caput est) quod in re
litteraria iudicium, quæ eruditio, rerumq; omnium exquisita scientia,
ac cognitio: quarum rerum opinione apud omnes ordines tuæ Reipub-
licæ iam inueterata ad altissimos dignitatum gradus breui euectus
es, vel potius euolasti ea propemodum ætate, qua vix alij multi cogita-
rēt. Vt enim omittam magistratus, ac præturas foris gestas honorificentif-
sime, inter quas potissimum **Vinensis** habetur, in qua te cum illi provin-
ciæ præstitisti, vt talem prætorem desiderandi semper, sperandi rarò vel
numquam reliqueris locum, quod passim etiam vocibus testantur, &
scriptis **Foroiulienfes** omnes, vt præteream legitimum in ipsa vrbe tot
magistratum decursum, in quibus maximè elucet **Tribuni** munus (vul-
go dicunt **Aduocatoris**) summa cum laude sæpius gestum, in quo iusti-
tiam in primis professus es, semperque tibi illud fuit propositum, vt
miseros afflictos, & iniuste oppressos ab iniurijs, & periculo vindicares,
cuius rei testes sunt vel mei conciuēs **Tusculani** homines, quos in discrimen
capitis, fortunarumq; iniuste vocatos fartos tectos ab omni mole-
stia, & inimicorum fraude tuo iusto patrocinio reddidisti, Quis ignorat
te nuper summa cum tua laude grauissimo & **Illustrissimo Decemuiro-**
rum collegio adscriptum, in quo ita te geris, vt vniuersa **Vrbs**, & omnes
homines, ac ordines tua præclara consilia, & facta agnoscant, admiren-
tur, & obstupescant. Accipè igitur amplissimè Senator deuinctissimi tibi
clientis leuidense munusculum singularis animi obseruantie testimo-
nium, neque sit tibi ingratum opus **Metaphysicum** tuo ingenio nature
terminos, & vim sua præstantia longè superanti maxime consentaneum,
& me in tuorum numero, & albo esse patiæ. Vale.

RATIO